

LET'S DO IT

VAREŠ

ZAPISNIK

sa 7. sastanka lokalnog tima

održanog 08.07.2012. u 11:00 sati u caffe baru „Jazz in the house“

PRISUTNI:

1. Mirela Erlbek-Subašić, koordinatorica;
2. Božidarka Dodik;
3. Katarina Gavran;
4. Katarina Pejčinović;
5. Maja Jaćimovska

Na početku sastanka, Božidarka Dodik prenosi prisutnima detalje telefonskog razgovora s Ivanom Miljušem, članom koordinacijskog tima Let's do it BiH, koji u razgovoru objašnjava razloge svade i raskola PR i koordinacijskog tima Let's do it BiH. Također, zamolio je lokalni tim Let's do it Vareš da ne odustaju od provođenja projekta „Let's do it BiH: očistimo zemlju u jednom danu“. Božidarka Dodik je u razgovoru istaknula stavove lokalnog tima Let's do it Vareš: da se ne odustaje od akcije, ali da se traži što brže rješavanje problema unutar redova Let's do it BiH tima.

Mirela Erlbek-Subašić obavještava prisutne da je stigla novčana donacija od Varešana s prebivalištem u Australiji u iznosu od 300 AUD (obitelji Jozeljčić, Radoš, Višnjčić i Prašević) i predaje novac blagajnici Katarini Gavran. Maja Jaćimovska također predaje 150 KM doniranih od strane Fondacije za obnovu i razvoj regije Vareš, zajedno s izvodima iz banke o stanju žiro računa Fondacije gdje je vidljivo da u proteklom periodu do zaključno dana 06.06.2012. nije bilo uplata za Let's do it Vareš.

Članovi lokalnog tima potom diskutiraju o lokacijama i terminima sljedećih pilot akcija. Plan je do 9. mjeseca napraviti još nekoliko pilot akcija u cilju animiranja većeg broja volontera za glavnu akciju 09.09.2012.

Božidarka Dodik napominje da će se planirana pilot akcija u selima Mijakovići-Dragovići morati odgoditi do 09.09.2012. zbog velikog broja zmija otrovnica na ovom području. Umjesto toga, članovi tima će organizirati pilot akcije na Stupnom dolu i Pogari. Pilot akcija na

Stupnom dolu bi se trebala provesti već sljedeći vikend, 15.07., ukoliko se skupi dovoljan broj volontera-žitelja Stupnog dola jer će samo 2 člana lokalnog tima Let's do it Vareš moći prisustvovati akciji. Lokalni privrednik Ahmed Likić je članovima tima Let's do it Vareš stavio na raspolaganje šleper za prijevoz smeća od lokaliteta Stupnog dola do gradske deponije i ručak za volontere. Također, Ahmed Likić je suglasan sa održavanjem party-a u njegovom caffe baru „City bar“.

Što se tiče pilot akcije na Pogari, zbog velikog broja deponija (čak 7) potreban je veliki broj volontera (oko 100) pa će predsjednik MZ Pogar Ivo Mutić pokušati animirati što veći broj žitelja Pogari da se uključe. U protivnom, volonteri će očistiti onoliko deponija koliko budu u mogućnosti, a ostatak smeća počistiti će se u okviru glavne akcije 09.09.2012.

Mirela Erlbek-Subašić izvještava da je udruženje lovaca obećalo poslati 150 svojih ljudi na glavnu akciju čišćenja u 9. mjesecu. Mirela obavještava prisutne da je kontaktirala lokalni rock bend Lazy river; bend više nije aktivan ni uvježban pa će trebati pronaći druge muzičare za potrebe Let's do it Vareš party-a u caffe baru „Jazz in the house“.

Za vrijeme trajanja sastanka, prisutnima se pridružuje Gordan Pogarčić koji nudi svoju materijalnu pomoć u vidu 100 rukavica i 1000 vreća za smeće, što članovi lokalnog tima oduševljano prihvaćaju.

Prisutni potom diskutiraju o nedovoljnoj pomoći Let's do it BiH lokalnim timovima. Mirela Erlbek-Subašić će na izvanrednom sastanku u Sarajevu tražiti od Let's do it BiH tima da se konačno izjasni kolika i kakva (rukavice, smeće) će biti njihova pomoć, te kada će se ona dogoditi.

Članovi tima Mireli Erlbek-Subašić predaju 100 KM; 50 KM za troškove telefona te za nabavku vreća za smeće po akcijskoj cijeni.

Zaključci sastanka:

- Mireli Erlbek-Subašić će otići na izvanredni sastanak Let's do it BiH,
- Potrebno je što prije napraviti finansijski izvještaj; zaduženje Katarina G., Mirela ili Maja,
- Božidarka Dodik će pokušati naći muzičare za party.

Sljedeći redovni sastanak održat će se 21.07.2012. godine na istom mjestu, a slijedeće sastajanje članova lokalnog tima je 15.07.2012. godine na pilot akciji na Stupnom dolu, ukoliko se ista uspješno organizira. Sponzor sastanka: Velimir Gavran; piće 22KM.

Sastanak završen u 13:30 sati.

Vareš, 08.07.2012.

Lokalni tim

Let's do it Vareš